

西曆一千八百八十四年九月十八號

請辨真假

啟者本號等揀選老礪熔淨頂上瓜紅硃錫淨水新斗黠錫各庄上錫貨色真實遐邇咸知屢蒙各埠富商賜顧業經有年近有無恥棍徒竟敢在上洋配熔低偽錫色假冒號等招牌字印意存魚目以混珠俾真偽而莫辨喪良射利欺騙諸商今特此佈告各埠富商採買者請細認明招牌字印分別錫色高低以免被其所欺耳此告

光緒十年正月吉日

粵東錫庄寓
港麗源裕記同德福記同源號寬源號全啟

憲

署輔政使司史 爲曉諭投充二煙煙灰利權事照得現要招人投票選依一千八百八十四年所議定鴉片餉項則例之章程在本港內各處收買及發賣煙灰與煮熟煎發賣二煙之總利權由一千八百八十五年三月初一日起計以一年或兩年或三年爲期所有票投均在本署收截限期收至英本年十月二十三日即禮拜四日正 止各票內必須書明照上開日期每月願輸餉銀若干其票被取之人應遵下列二煙開燈館之潔淨規條 計開 一該屋必須用牢實材料造成並當時整理完結及潔淨其暗渠又須合宜又不得與公家暗渠相連 二該屋必須設有合宜通氣所烹調之所大小二便廁及貯囤攪揅處務使足用爲度 三該屋必須備有合宜貯囤食水處及沐浴所 四該屋必須整理潔淨及有益人生并須每四個月掃白灰水一次 五該屋內所有之房及冷巷樓梯每日至少打掃一次屋內所有攪揅須逐日搬去六凡在二煙館歇宿者其成丁之人每名所睡之處長闊高三面至少亦須有三百五十英尺 七倘晚上九點鐘後尚有人在二煙館吸煙者其人又無夜行執照作爲該館是晚之歇宿人 八各二煙館須常時任由潔淨事務局之員弁入內稽查各票價列低昂任由 國家棄取或總棄而不取爲此特示 一千八百八十四年 八月二十三日示

示

唐土名勝圖發售

啟者本局
現有新到
唐土名勝
圖會書出
售價錢便
宜如貴客
賜顧者祈
至本局採
買爲荷

本局謹啟

啟者前織鑾齋在西法點石書局定印小題
眞珠船一套內文一萬有奇其題之備文之
精前已刊報原於五月告竣乃自本堂承受
之後詳加較訂另添補名作精益求精故至
今始竣然書成之日外單奉贈十去其七粵
東僅餘數百套每套分訂十二卷該銀四兩
六錢不折不扣斷不減價特此佈聞 一在
十八甫經香閣 雙門底玉山樓 佛山北
勝街天成葵扇店 香港新環日報 發售

啟者茲汕頭金源泰艇夥內等
志圖別業愿將 頂與省城榮
合富隆承受全船議實價銀一
千二百圓七一覽經以七月初
十日交清訖該艇價由榮合
富隆改名往各港倘日後生意
盈虧概與舊人金源泰無涉特
此聲明以免後論
光緒十年 七月 廿三日
汕頭金源泰艇謹啟

七月十九日奉
上諭太常寺卿徐
樹銘奏漕糧宜全
歸河運請於運道
經行之處疏濬河
流修治閘壩并擬
選僱民船照河運
章程核實經理一
摺着該部議奏欽
此

雲貴總督臣岑毓英雲南巡撫臣張凱嵩跪 奏爲滇省開礦事宜紳廠已有成效商股已有成
來商力民力均不如前日形類屢臣毓英於同治十三年內 奏請試辦上年續請招商集股與
臣凱嵩會摺覆陳並一面恭錄行知藩司暨礦務總局委員查辦去後茲據署藩司李德義詳稱
將年正昌遊擊楊好謀蔣白萬貢生李恒芳等分認承辦迤西屬之同龍得寶等八正廠及九小
寶雙龍等廠係紳士邵文藻王子猷分認承辦現復示諭紳民如有訪出新礦無碍慮墓者准其
稱上年奏委招集商本因滯埠倒閉時日稍稽成議在先仍各照原稟措辦查廣西候補知府張
府礦務江蘇道員胡家貞認招股一百萬兩知府卓維芳認招股十五萬兩通判王熾認赴川招
錫廠向係本省爐戶採辦比歲滯銷金繼續於招商項下籌本發給俾得努力開厥其餘金銀鉛
外臣等伏查礦務爲天地自然之利運京歲有定額抽課例有常經現在經理得人勢不難蒸蒸日上
生臣等職任封圻所應爲責無旁貸惟有因勢而利導鼓舞商情現辦之區不准他人爭佔未

七月二十五日督撫憲轅報 卸陽江同知韓良稟到飭事回補用府曾稟辭回樞門厘廠候補縣晏參稟謝札調保甲總局幫辦兼文案條補縣尹兆烜稟銷查開平新甯等縣水災差補用典史徐慶祺稟知往潮州措資○孝姑獲報 聞三里有李氏婦其夫小販營生耕植作活生有子女已周歲矣堂上一姑年逾七十老邁龍鍾並無牙齒不特咀嚙難覓即飯食幾難下咽婦姑不食故時憂形於色有以人乳可延生者告之遂于每日內以哺養其子之乳奉姑如是兩婦以姑不食故時憂形於色有以人乳可延生者告之遂于每日內以哺養其子之乳奉姑如是兩婦年婦絕無怨對鄉人交相讚美前數日陰雨纏綿狂風迭起其夫因連日風雨淋漓難以負販幾致絕粒迨至夜候聲家內糧糈僅得米升餘而柴薪告乏難作柝斲之炊斯時牛衣對泣無所之勿憶其先人曾豎木排於屋後餘地以防牛羊躡蹊竊因家貧無資修葺任其枯朽遂持柯往伐欲以作薪正當從事斧斤之際忽聞鏗然之聲起於地中俯而視之有一小瓦罐在焉沙堤外積取出甚重毀而視之內有洋蚌五十個喜出望外婦微以告人同謂其孝姑之報焉

請懸國旗照會 大清欽加二品銜分巡蘇松太兵備道兼辦兩江爵部堂營務處邵爲照會事照得法國淪盟稱兵內擾欽奉諭旨飭令各防營見有法兵船進口立即轟擊等因現接曹統領來函駐電吳淞鎮守砲臺 各國兵船尚船由外洋來者往往不掛旗號卽有掛者亦在後梢小桅之上瞭望難以明晰誠恐誤爲法國兵船關繫輕轉告貴總領事轉致帶船兵官並諭各商船來往上海進出吳淞海口務掛旗號於頭桅之上使吳淞防營一望而知爲某國之船庶免誤事等因到道自應照辦除分致外合亟照會爲此照會貴總領事請煩查照希卽轉告兵商各輪船一體遵辦望速施行須至照會者 光緒十年七月二十一日

宣南軍信 日前軍機大臣奉 旨用六百里加緊文書傳諭各督撫着沿海沿江各省分厚備兵防并着雲貴廣西三省督撫統兵出關會同劉淵亭軍門直趨東京恢復越南全境此已列報茲又由電傳知廣西巡撫潘琴軒中丞飛咨雲貴兩省督撫厚集大兵會同鮑春霖爵帥卽日出關收復越南土宇且分法人兵力使不能滋擾海疆斯舉也彰 天討之威懾強隣之胆一舉兩得 廟算如神彼法人之暴戾恣睢其亦可以稍息乎(左相督師 昨晨接到京

師友人來電知恭讀十八日 上諭 朝廷授左侯相爲欽差大臣督辦福建軍務穆將軍圖善楊漕督呂濬爲幫辦大臣張侍講佩綸爲會辦大臣兼署船政大臣事何欽差如璋着卽來京等因侯相勛高望重中外聞名穆軍帥楊漕督亦久歷戎行侍講夙裕此次奉 命移節想閩省軍務當必有起色也○都下紀聞 近日都門傳言法人之意專在臺灣故先擾福州壞我水師以絕我赴援之路目下所以潛伏不動者蓋彼續調兵二萬五千名須於兩月後方可到齊九十月間必有一場大戰卽不得逞志於臺灣而中國海口紛歧蹈瑕隙實意中事不識籌防者已逆料及之否恭讀十五日 上諭吳廷芬等着毋庸在總理衙門行走等因具見 朝廷整肅官常之意傳聞之數公者深悉海防未足深恃法國未可與敵請給卹銀以阻章京藉譟兵釁於是御史交章彈劾 天威震怒遂降此 旨○總理衙門自法國構釁以來軍報往還絡繹不絕堂官立稿章京繕譯已覺應接不暇自閩疆告警一應收發各電均須另錄三通一呈 御覽一送醇邸一奉軍機當道恐多魚之漏不敢假供事之手故各章京益形忙迫舊存章京三十餘員四日一輪互相替換實屬不敷辦公是以去歲奉 旨記名之新取章京二十四員疊次咨傳到署者業經及半聞日前又傳四員已至第十七名之雲間拔貢己卯舉人宗養初水部承序矣

募勇赴臺 統帶右營馬觀光奉憲紮在江西省城招募兵勇一時應募者甚衆統帥擇其精悍去其懦弱得五百人間將調往臺灣藉資防堵立功海外痛掃邊氛胥於此行卜之矣○京師來電 十八日京友來電云聞有法國大兵艦駛至北洋然係傳言正未知是確否果如是則法人又將肆其無厭之心以窺伺我津沽鎮鎗矣長蛇封豕聚而殲旃是所望於運籌帷幄者○梗議可惡 寓津友人來信云聞法國伯理璽天德接准中國欽使李丹崖京卿鳳苞照請美國調處一節擬下廷臣議允特以法使巴德諾脫傳電本國力剖不可應允故卽中止蓋巴使前曾參贊駐華公使以爲窺中國虛實加數掌紋不難以兵恫喝而今何如哉嗚呼巴使一言致兩國生民於塗炭本館聞津友言爲之不怡者累日○大臣偉論 都人近有以中國器械不若西國之銳利爲厲者某鉅公宣言曰不必論制器者之利與否但當問將兵者之敢戰與否故卽以舊式抬槍而論苟能命中亦足以制敵人之死命也壯哉此語故亟登報敬告有軍旅之責者○嚴輦紀聞 養心殿召見軍機王大臣議事時 皇太后 皇上坐簾內御前太監引軍機王大臣立簾外太監退至階下然後問答機事後殿上金鐘響逸御前太監知事議畢復升階引軍機王大臣下階違者論辟七月初有太監某未俟金鐘聲響悞升殿階立拿交

慎刑司審辦虛衷以詢宰輔執法以馭百官 聖代宏規遠邁千古矣○京營馬步兵丁於初十日出示永定門暫紮 南苑自明至九點鐘始全數出城是日前門大街南至天橋五里許路旁觀者羅列不斷咸以得觀軍容爲快○左侯相於初九日先南苑當日還京其有何交派不得知也○聞延樹楠大司徒彈左侯相膏內有無尺寸功以舉班入閣龍榮似乎太過等語○日上章時值醇邸未在軍機處故未留中及降旨後醇邸始知在朝房見延大司徒卽面斥其非次日乃抗疏劾之以左侯相之功勞苦功高豈容以小青掩其大德宜醇邸之力爲保全也○前國子監司業文治此次經人密保奉 旨召見當奏對時 皇太后問爾告終養已幾年矣文答言八年 皇太后復問此八年中爾家居作何事文復答習字 皇太后以習字無關經濟學遂弗用文之品粹學優人所素知一言不合仍返初服升沈果有定歟○左侯相近患洩瀉之症本擬請假調理因值軍書旁觀機務殷煩仍力疾入直議臣謀國固如是也○聞駐京各國公使於初十日夕陽將下時咸集美公使署內彼此問答皆以洋觀其意氣似相辯論者俄公使搖首不允諒爲法事也○聞托副帥倫布督帶馬步全軍前往通州扼要防守然尚未見明文○七月初一日爲禮邸壽辰是日祝嘏者甚夥車馬盈門而王儉約自持並不演戲以視外官之肆筵設席者何如

倫敦電音 二十六日英都倫敦發來電音言意大利國王現已行抵淋城矣意民聞王駕臨皆欣欣然有喜色而相告曰今日庶幾得仰瞻丰采歟是意國君民相得概可知也又言英官咽活馬力業經英廷派為駐德都伯靈公使大臣云云

○考察茶務 西歷八月十三日紐約郵筒云日本商務局有局員兩名曾在是處訪查茶務越有數禮拜之久想已稔悉一切矣○倫敦大火 西歷八月十五日下午兩點鐘倫敦信息云是日上午有某屋因煤氣機器爆炸致兆焚如未將火即燎原屋內之人徬徨奔走從窓躍下多被跌傷而附近之屋亦遭池魚之殃後得水龍赴救將火滅熄計燒去物業約值銀五萬圓矣祝融之披猖若此人可不慎諸○漁人行劫 西歷八月初八日德都伯靈接到郵筒云前有德國糧食船在北海為英國漁船四艘所切現德國有砲船前往追緝德廷亦經移咨英國外務大臣忌蘭威路謂糧船低列治在北海被英漁船劫掠當時糧船帶水人及廚子欲行抗拒奈漁人勢兇且寡不敵眾亦任其劫掠而已幸船主認識漁船記號請英大臣早日將此事調處云初九日信息謂糧船被劫一事未有官場音信通知英大臣忌蘭威路或曰低列治一船乃販賣鹽酒者其或因沽酒釀事亦未可知也同月十三日伯靈消息云德國水師衙門現諭令在北海取

魚之德國漁人謂如有英國漁人以非理相加宜以軍火拒之又令防護濱海地方之德國戰船小心防守若有英國船舫欺淩德國漁人者即行拘之並獲其舵工回衙署審訊云○郵信被竊 西歷上月十三日澳國維也納都城郵筒云邇來澳國郵寄書信每被人偷竊前日有郵信一封內有滙單值夫羅連銀圓一萬五千枚昨復有郵信一包內有滙單值夫羅連士銀圓二十八萬枚皆爲人所竊去按夫羅連士乃西國銀圓每重一錢八分○俄國近聞 俄都聖彼德羅堡西歷八月十五日郵音云俄國現濟有炮船一艘往金文達海島處欲阻止英人史那不得在該島捕獲海獺以奪俄人之利現史那整備船兩艘前往未知否能如願也聞去歲史那有枝半桅帆船經被俄國所拘用以充公矣○法船赴越 法國利柯尼高路火船載有兵一千三百及戰具甚多於六月二十八日由亞路芝亞士處啟行赴東京云

請別旗幟 本月二十一日兩廣總督下濱海口岸皆嚴爲防護而諸友邦船我國兵民及海上中國戰船難以分辨另增一旗書以中國文字以便分別則國船艘起見是否合增旗幟請貴領事誦備悉其中言及自後各國兵船商船大字於旗中並請本領事曉諭船艘一事須英國水師官允准方可行也前數官一事此事本領事曾稟知駐港英國曉諭凡有商船來城即扯英國旗號在

香港制軍有書致羊城英領事畧云法人已興戎務目亦准如常往來貿易惟各國船艘雖有一定旗號仍恐從今以後凡有戰船或商船來城除扯國號旗幟外着保無虞矣希爲佈告各船免致貽誤本部堂爲保護外之云云二十三日英國領事覆書云昨來文函經已取扯國號旗幟外另扯一旗將該船所屬何國書以中國深領大人之致意敢不承命但加增旂幟書寫華字一大人函請謂凡有英國戰船來城先由本領事通知華師兵總謂可以遵依所請而行至於商船本領事先行頭以便易見云以上兩函乃由西字譯出以供衆覽焉

法官復任 西歷八月十八日法國租倫埠有電首言現因中法決裂故法國水師官員前日告假者悉調回任云○加增兵船 法國報云水師提督科璧所統轄之戰船大爲加增傳說思尼刺巡船及利哥地氈那利兵船已調赴中國矣○挾妓敗興 十四日午後五點鐘上海有某少年招妓同坐馬車由靜安寺返滬將至泥城橋適其母氏縱跡而至蓋少年擅將房契押洋出外遊蕩久不歸家故其母四出偵訪也少年見母呼喚竟置之不理加鞭圖滿其母頓足捶胸號呼大哭旁人咸抱不平將少年喝往該氏遂趕上扭住髮辮一同進妓城則低首含羞乘車歸院觀者莫不撫掌大笑噯烏哺恩深昊天罔極若該少年者因戀章臺之柳竟

抄譯中外西報 彙錄辛巳三月廿二日中外新報有苦海慈航一段係由西
字新報繙出據稱英國駐川領事巴公名嘉者由四川重慶郡寄信來云
言及鴉片久爲中國患他常疑無藥物可戒不料於公餘遊歷至郡境左
近之志和營見有操舟人久染烟癖欲戒無由屢服中國戒烟丸散雖覺
小效而引終難斷且因戒烟之故致染沉痾幾罹不起無何而本局戒烟
精粉至川該舟人聞此洋藥善能戒烟得未曾有又以其名與白鴉紛及
各款藥粉不同其功用自異遂購而服之不旬日老癮戒斷巴公目擊其
事不禁深心歎服本局精粉爲獨出神奇故郵寄此信託新報錄入特
爲華民之染烟患者告云審是則精粉戒烟奇效不獨中國官紳見實今
又爲外國遠客所嘉可知並無僞飾凡有志戒烟者請勿懷疑觀望可也

香港 英京 省城 上海 福州 小坡 天津 漢口 厘臣 氏聚

耳痛潰膿藥水
此藥水能療耳內損爛癢痛潰膿之症宜先用清水洗淨抹乾徒放藥水三四滴入耳內以棉花塞好早晚更換一次自然全愈 每罇價銀大一錢八分 小七錢二分